



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 20 desèmber 2021

Desaroyo di preisnan pa konsumidó na Kòrsou pa luna di sèptèmber 2021

Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis a baha leve ku 0,1 porshento na luna di sèptèmber 2021 kompará ku luna di ougùstùs 2021. E sifra di inflashon a keda igual na 3,2%


Desaroyo di preis luna sèptèmber 2021 kompará ku e luna anterior ougustus 2021

E sifra índise di preis pa konsumidó (CPI, “Consumer Price Index”) di Kòrsou na luna di sèptèmber a baha ku 0,1 porshento kompará ku luna di ougùstùs 2021, e la desaroyá di 106.8 na ougùstùs 2021 pa 106.7 na luna di sèptèmber 2021.

E kambionan di preis mas notabel durante e luna sèptèmber 2021 ta: subida di produktonan di grano (2,7%), karni i piska (1,7%), vèt di komestibel (2,3%) i kuido personal (2,7) i bahada di elektrisidat (-3,2%), awa (-8,9%), gasolin (-2,9%) i kerosine (-3,0).

Desaroyo di preis luna di sèptèmber 2021 kompará ku luna di sèptèmber 2020

E CPI di sèptèmber 2021 (106.7) ta 3,3 porshento mas haltu ku e CPI di sèptèmber 2020 (103,3). Esaki ta indiká ku e nivel di preis pa konsumidó durante luna di sèptèmber 2021 tabata 3,3% porshento mas haltu kompará ku e mes un luna na 2020. E kategorianan ku mas a kontribuí na e kresementu ta kuminda, bibienda i salubridat



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku sèptèmber2021 ku mes periodo un aña anterior, ta resultá ku preisnan na averahe a subi ku **3,2 porshento**: e CPI promedio di 12 luna a desaroyá di 101,6 na sèptèmber 2020 pa 104,9 sèptèmber 2021.